

पत्रुसरे साप्तुबा निसिगेःक्पा सक्इङ्घङ् निःसुम्

कन् सक्इङ्घङ्ङिन् पत्रुसरे काक् पिसाङ् केसेबाआङ् केवाऱबा नसानिबाहाऱ हाक्तुसिबारो ॥ कन् सक्इङ्ङिल्लेन् कुजेक् निङ्वाऱ सोःक्किङ्ग इङ्लेक्के सिक्साम्बाहाऱरे मेहुऱरुसिबा निसाम्नु खेन्निसाम्बाम्बा त्येबा फेन्पाःन्हाऱ तोःम्मा वयेरो ॥ खेन् इङ्लेक्के सिक्साम्बाहाऱरे येसु ख्रिस्तेन्याम्मो मेनुःङ्नेन्मेयुनेन् लऱरिक् मेबाःत्तु, कर पत्रुसरे खेन् पाःन्निन् अक्खे मेत्तुसिर अत्तु, “आत्तिल्लेन्नाङ् मेम्भै मेबोःङ्नेन्ल केरेक्के लायोःन् मेलेरु केलाऱबा निङ्वाऱफुमाङ्ङिल्ले कुनिङ्वाऱ वाऱबाल्ले चोगुल्ले ख्रिस्तेऱ कुयुःमान् सुःसेबारो ॥”

थामिङ्

निःसुम् १.१-२

नसानिबाहाऱरेन् उःत्छिङ् १.३-२१

इङ्लेक्पा सिक्साम्बाहाऱ २.१-२२

ख्रिस्तेन्कुनुप्पा येन्नो युःऱ ३.१-१८

पत्रुसलाम् सेवा

१ येसु ख्रिस्तेऱ कुसेवारोबा नु कुसेःक्युक्मिबा इङ्गाऱ सिमोन पत्रुसलाम् कन् सक्इङ्घङ्ङिन् साप्तुङ्ङाङ् आनिगे कुइसिःक् इमेल्लुङ्बा नसाःन् केघोःबा खिनिऱ केरेक् हाक्निङ्लो ॥ खेन् नसाःन्निन् आनिऱ साम्योनिबा निङ्वाऱफुमाङ् नु सेन्लप्दाङ्बा येसु ख्रिस्तेऱ आबिरेआङ् आवाऱरो ॥

2 आनिऱ निङ्वाऱफुमाङ्ङिन् नु दाङ्बा येसु ख्रिस्तेऱ खुन्छिऱ याःम्बेबा साम्जिककोलाम् लुङ्गुम् नु सनारुङ्ङिन् आत्तात्तान्ने यरिक् केघोःम्सुम्लरो ॥

3 आबाडे कुमिमिदिङ् नु कुनो-कुदाओ याप्मि केउःप्पेन् नुःरिक्काङ् कुसिङ् आनिःत्तुम्बाल्ले चोगुल्ले हिङ्मन्नो नु माङ्सेवा चोःक्माओ चाहाबा आजोःक्पा काक् पाःन्हाऱ निङ्वाऱफुमाङ्ङिल्ले कुमुक्साम्लाम्बा खुनेऱ आबिऱरो ॥

4 बा खेन् कुमिमिदिङ् नु कुनो-कुदाओलाम् आनिऱ यम्बा नु इमेल्लुङ्बा माङ्हेक्हाऱ आघोःसुम्माङ् आवाऱ ॥ खुनेऱ फेन् निङ्वाऱलाम् केदाःबा फेन् पाःन्हाऱलाम् ताङ्सेःप्मा नु निङ्वाऱफु नोस्रङ् खोःमा माङ्हेक् आजोगेआङ् आवाऱरो ॥

5 खेल्ले चोगुल्ले खिनिऱ नसाःन्नो कुनो-कुदा योऱमा खिनिऱ सुक्सुक् तम्मिन् चोगेम्मेऱ, हेक्क्याङ् कुनो-कुदाओ साम्जिकिक्न् योऱरेम्मेऱ,

6 साम्जिकको निङ्वाऱ हाङ्गेम्सिङ्मान्, निङ्वाऱ हाङ्गेम्सिङ्मो नासि थःप्मान्, नासि थःप्पो साप्चुवाःन् योऱरेम्मेऱ,

7 साप्चुवाओ फुऱनुसाऱ लुङ्माऱ तुक्सिङ्मान्, हेक्क्याङ् फुऱनुसाऱ लुङ्माऱ तुक्सिङ्मो मिःम्जिन् योऱरेम्मेऱओ ॥

8 थेआङ्भेल्ले कन् सुम्बोधा पाःन्हाऱ केयोऱरुम्ल केबिगिने फाऱग्र खेन् पाःन्हाऱरे आनिऱ दाङ्बा येसु ख्रिस्तेन्कुसिङ् केनिःत्तुम्बा खिनिऱ साम्जिकको कुसि मेन्याःम्मनाबा नु कुजाऱ मेम्भम्मनाबा पोःङ्मालाम् ताङ्गेसेःप्तिऱरो ॥

9 कर कन् सुम्बोधा पाःन्हाऱ मेङ्गप्पनाबाहाऱग माःङ्घाबा पाःन्हाऱ मेन्निःमनाबा मिक्फःम्बा कुइसिःक्पासिरो ॥ खेङ्हाऱरे खुनिऱ तगिबा लायोहाऱ वाहप्तेबेन्नाङ् निङ्वाऱ मेभेःत्छु मेदेःसुआङ् वाऱरो ॥

10 खेल्ले चोगुल्ले आमिःम् फुऱनुसाऱ नु नेऱनुसाऱसे,

निङ्वाऱफुमाङ्ङिल्ले खिनिऱ केउःत्तिबान् नु केसेगिबान्
नुःरिक्काङ्ङ निःन्धो चोःक्मा तम्मिन् चोगेम्मेऱओ, थेआङ्ङभेल्ले
खिनिऱ हेक्के केजोगुम्ने फाऱग्र आप्फाल्लेआङ्ङ केन्जोःन्दिन्लो ॥

11 अक्खेलऱरिक् आनिऱ दाङ्ङबा नु सेन्लप्पाङ्ङबा येसु ख्रिस्तेरे
मेन्नुप्पनाबा कुहाङ्ङजुम्मो लाःप्पारे लागि लाङ्ङदाःक्मा केबिरिरो ॥

साम्पोसाप्पाओ निङ्वाऱ पिरेम्मेऱ

12 खेल्ले चोगुल्ले खिनिऱ खेन् काक् पाःन्हाऱ केनिःसुम्
केलेस्सुम्माङ्ङ सेक्खाओ मेम्मुन्ने केवयिसाङ्ङ सदादिङ्ङ
कन् पाःन्हाऱ खिनिऱ निङ्वाऱसुम्मो ताःप्पा पिमा इङ्ङगाऱ
आप्फाल्लेसाङ्ङ यारिप् वाऱआरो ॥

13 कन् नासिङ्ङेन् थक्को वाऱआर थारिक् खिनिऱ कन् पाःन्हाऱ
निङ्वाऱसुम्मो तारुङ्ङाङ्ङचाङ्ङजाङ्ङ मेत्तिङ्ङ केलऱबा निङ्वाऱ
कत्तुङ्ङलो ॥

14 थेआङ्ङभेल्ले आनिऱ दाङ्ङबा येसु ख्रिस्तेरे ओसेःन्धाक्ताङ्ङबा
कुइसिःक् आसिःमा येन्निन् हाराए तार पत्तो ॥

15 हेक्केःल्ले इङ्ङगाऱ सिःआ पेःक्कासाङ्ङ सदादिङ्ङ कन् पाःन्हाऱ
निङ्वाऱ केङ्ङत्तुम्ल फाऱआङ्ङ आसुक्सुक् तम्मिन् चोगुङ्ङलो ॥

16 थेआङ्ङभेल्ले आनिऱ दाङ्ङबा येसु ख्रिस्तेरे कुमुक्कसाम्
नु कुयुःमाल्ले कुयाःम्बेओ खिनिऱनु पारिगेल्ले आनिगे पाःन्
खेदाऱहाऱ चोगुम्बेआङ्ङपाःत्तुम्बेबा मेःन्लो, कर आनिगे आबाडे
मिक्किल्ले खुनेऱ कुमिमिदिङ्ङिन् निःसुम्बेरो ॥

17 थेआङ्ङभेल्ले मिमिदिङ्ङेन् पानुदिङ्ङ पाः निङ्वाऱफुमाङ्ङलाम्
खुनेऱ मिङ्ङसो इङ्ङधाःङ्ङ नु मिमिदिङ्ङ खोःसुल्ले कन् आमिःम्
आस्साःरो, खुनेऱनु इङ्ङगाऱ ओमु लऱराङ्ङाङ्ङ वाऱआरो केलऱबा
इक्लाधिक् येरो ॥

18 सेसे कोःक्माओ खुनेऱनु वाऱमनाःल्ले साङ्ङग्राम्पेदाङ्ङलाम्
केयुःबा कन् इक्लाःन् आनिगे आबाडे खेम्मनारो ॥

19 हेक्क्याङ् माङ्निङ्वाऱपाःन् केबाःप्पाहाऱरे मेबाःतुबा पाःन्निन् सेक्खा पोःक्खेआङ् वाऱ केल्हाबा निःन्धो आगत्तुम्लो ॥ खामेन्ओःत्ते नु खिनिऱ निङ्वाऱओ तान्छोःक्पेन्मेन्लिङ्ङे थारिक् खामाक्माओ केओःप्पा सेमिःन् हेक्के खेन् पाःन्जाक्किन् निङ्वाऱओ केयुक्खुम्मिल्ले नुःबा पोःङ्लो ॥

20 काक्नुःल्लेआङ् यम्बा पाःन्निङ्ग साम्योसाप्लाबा माङ्निङ्वाऱपाःन्निन् माङ्निङ्वाऱपाःन् केबाःप्पाहाऱरे आबाडे खुनिऱ निङ्वाऱबोलाम् त्येबा मेःन् फाऱआङ् कुसिङ् केनिःत्तुम्लए पोःङ्लो ॥

21 थेआङ्भेल्ले माङ्निङ्वाऱपाःन्निङ्ग मेन्छाम् निङ्वाऱलाम् त्येबा मेःन्लो, कर सेसेमाङ्डिल्ले थुक्तुसिआङ् निङ्वाऱफुमाङ्लाम् माङ्निङ्वाऱपाःन् केबाःप्पाहाऱ मेबाऱेबारो ॥

2

इङ्लेक्के सिक्साम्बाहाऱ

1 कर उन्छोःन् इसाइलओ इङ्लेक्का माङ्निङ्वाऱपाःन् केबाःप्पाहाऱ मेवयेबा कुइसिःक् खिनिऱ लुम्मोआङ् इङ्लेक्के सिक्साम्बाहाऱ मेःलःन् मेदारो ॥ खेङ्हाऱरेग स्वाःत्ताङ् याप्पि केमेङ्बा इङ्लेक् पाःन्हाऱ मेहुऱरुसिऱ, हेक्क्याङ् खेङ्हाऱरे खुनिऱ मेल्लुङ्केहुङ्बाआङ्केधेऱबा दाङ्बान्नाङ् मेनाऱरुआङ् हाराए आबाडे खुनिऱओ मेक्मेन् मेदारुऱ ॥

2 हेक्क्याङ् खेङ्हाऱरे खुनिऱ ताप्फेःम्बा लाम्मिन् यरिक्ले मेदिम्दु मेनाःतुबाल्ले चोगुल्ले सेक्खाबा लाम्मिल्लेन्नाङ् कुजाःत्थि पेःक्लो ॥

3 खुनिऱ खिःम्ब्राक्मो कन् इङ्लेक्के सिक्साम्बाहाऱरे खुनिऱ निङ्वाऱ तादाबा इङ्लेक्का पाःन्हाऱ मेजोगुआङ् खिनिऱ इङ्गेम्लेक्त्तिआङ् इन्धाःक् मेधगु ॥ निङ्वाऱफुमाङ्डिल्ले

खेड्हाऱे खुनिऱ खुम्दिङ्ङिन् तगिसा खासेन् चोगुआङ् वाऱ, हेक्क्याङ् खुनिऱ मेक्मेन् निःन्धो पोःक्खेआङ् वाऱरो ॥

4 थेआङ्भेल्ले निङ्वाऱफुमाङ्ङिल्ले लायो केजोःक्पा माङ्लाइङ्बाहाऱआङ् खासेन्लाम् मेदाङ्घुन्छिन्लो, कर खेड्हाऱ इघेःक्खुसिआङ् खेमायङ्सङ्ङो केःतुसिआङ् खासेन् येन् थारिक् खेन् खामाक्लुम्बाःत्तो मेयाक्लो ॥

5 निङ्वाऱफुमाङ्ङिल्ले नसान् मेन्जोःक्मनाबाहाऱ वादोःक्मोलाम् मेक्खुसिल्ले खेन् उन्छेःन्बा मेन्छाम् याप्पिहाऱआङ् मेदाङ्घुन्छिन्लो, कर साम्योनिबा पाःन् इङ्गेभोःबा नुहाःन्नु वेऱ नुसि मनाहाऱरक् ताङ्घुसिरो ॥

6 निङ्वाऱफुमाङ्ङिल्ले लायो कुधिम् सदोम नु गमोरा येक्यक्हाऱआङ् मिधक्खुआङ् खाप्पु थ्यःङ् चोगुसिआङ् खेन् येक्यक्हाऱे कुमिङ् मासुरो ॥ निङ्वाऱफुमाङ्ङिल्ले खुनेऱ नसान् मेन्जोःक्मनाबा खेन् याप्पिहाऱेन् आक्तङ्बा हिङ्गत् पोःङ् केलऱबा कुबि चोगुसिआङ् वाऱरो ॥

7 हेक्क्याङ् निङ्वाऱफुमाङ्ङिल्ले कुनिःमाओबा साम्योनिबा लुःतेङ्ग सेःप्तुरो ॥ खुनेऱग खेन् येम्मोबा मनाहाऱे मेजोगुबा खुनिऱ ताप्फेःम्बा येप्लेक्हाऱ निःसुआङ् कुनिङ्वाऱ तुगेआङ् वयेरो ॥

8 (खुनेऱ मनाहाऱे खुनिऱ लुम्मो थिक्क्याःन्धक् वयेल्ले खेड्हाऱे खुनिऱ ताप्फेःम्बा फेन् याःम्बक्किन् निःसु खेप्सुल्ले साम्योनिबा लुःत्तेन् सारिक् कुनिङ्वाऱ तुगेआङ् वये ॥)

9 हेक्केलऱरिक् दाङ्बाल्ले साम्योनिबा मनाहाऱ इनोगेन् तुक्खेहाऱलाम् सेःप्मासिआङ्लेस्सुरो ॥ हेक्क्याङ् लायोबा मनाहाऱ खुम्दिङ् पिरुसिर खासेन् येन्नो थारिक् कप्मासिआङ्लेस्सुरो ॥

10 अक्तङ्बाहाऱग आबाडे फेन् निङ्वाऱ कुइसिःक् याम्दादाओ केवाऱबा नु दाङ्बाल्ले कुयुक्किन् केनाऱबा मनासिरो ॥ खेन्

आधिङ्गानि नु आङ्दिङ् केलऱबा मनाहारैग साङ्ग्राम्पेदाङ्डो केवाऱबाहाऱ हिनाःम् मेप्मासि मेङ्गिःनेन्लो ॥

11 कर कन् इङ्लेक्के सिक्साम्बाहाऱनुःल्ले माङ्लाइङ्बाहाऱ केधुम्बा नु मुक्साम्साबा मेजोःक्साङ् दाङ्बाल्ले कुदगि खेन् साङ्ग्राम्पेदाङ्डो केवाऱबाहाऱ आप्तिक् कुःप्मासि मेन्आःन्छिङ्डिन्लो ॥

12 कर कन् मनाहारैग कुसिङ्मेन्निःत्तेबा पाःन्हारै तकलेङ्वाओ माङ्चेऱया पाःन् मेबाःतुरो ॥ खेङ्हाऱ तेम्मासिआङ् सेप्मासि फाऱआङ् सिक्कुम् निङ्वाऱ मेःन्ने केधाप्पा थक्सहाऱ कुइसिःक् मेजोःक्लो ॥ कन् इङ्लेक्के सिक्साम्बाहाऱ खेन् थक्सहाऱ कुइसिःक्के मेमेक्लो ॥

13 खेङ्हाऱरैग मेजोगुबा ताप्फेःम्बा याःबक्किल्ले कुलेक्वा ताप्फेःम्बाए मेदुमुऱो ॥ खेङ्हाऱरैग लेन्दिक्सा याम्दादा नु निङ्वाऱतादा चोःक्मा खुनिऱ सिराऱ थाङ्लो ॥ खेङ्हाऱरैग खिनिऱनु मेज मेधुङ्गुल्ले मेसःत्ल इङ्गेम्लेक्किताङ् नागेम्धासि केम्बिरिऱो ॥

14 खेङ्हाऱरे खुनिऱ मिक्किल्ले ताप्फेःम्बा याम्दादाबा चाराम्मा याःम्बक्हाऱ मेजोगुआङ् आक्खेन् लायो मेजोगुसाङ् खुनिऱ निङ्वाऱ मेदानेन्लो ॥ खेङ्हाऱरे कुदोःप्मा मनाहाऱ लायोओ मेधासुसिऱ ॥ खेङ्हाऱरैग खिःम्मा याःम्बक् चोःक्मा साऱरिक् मेलेस्सुऱो ॥ खेङ्हाऱग निङ्वाऱफुमाङ्डिल्ले कुसाङ्गारे तेत्तुसिबा मनासिरो ॥

15 खेङ्हाऱरैग तोःन्दोःम्बा लाम्मिन् मेलेरुआङ् खेङ्हाऱ ताप्फेःम्बा लाम्मो मेलाःसेआङ् मेवाऱरो ॥ बोअररे कुस्साःहाऱ बालामरे कुलाम्मो मेबेआङ् मेवाऱ ॥ बालाम्मिल्लेग लायोलाम् याङ्साकुन्धे थक्का कुसिराऱ थाङ्गेआङ् वये,

16 कर हेक्तङ्बा फेन् याःम्बक् चोगुबाल्ले कुबाःन् मेन्लःम्मनाबा अदङ्डिल्ले खुनेऱ फेःक्तु ॥ खेन् अदङ्डिल्ले

मेन्छाम् याप्मि पाःन्लाम्बा बालाम्मिल्ले केनाड्बा कुइसिःक् चोगुबा अदड् कुयाःम्बक्किन् साक्तुरो ॥

17 अक्तड्बा मनाहाग केजप्पा वाबुन् नु सुरित्माल्ले मुःतु तेरुबा खाप्मिःप्पा हेक्तड्बासिरो ॥ कड्हागरे लागि निड्वागफुमाड्डिल्ले खामाक् लुम्बाःत्तिन् यारिप् चोगुआड् नेरो ॥

18 खेड्हाग कुसुम् मेन्दम्मना आड्दिड् इसेःड्बा पाःन् मेबाःत्, हेक्क्याड् खारक् फेन् याःम्बक् चोःक्मा केलेप्पाआड् दाड्बाओ केदाःबाहाग फेन् याःम्बक् चोःक्माल्ले थेआड् मेलगनेन् लगरिक् मेहुसुसिर याम्मो लायोओ मेधासुसिरो ॥

19 खेड्हाग आबाडे फेन् निड्वाग येप्लेक्किल्ले कुयोःक् मेबोःक्खेआड् मेवागसाड् वेगहाग चोःक्युम्भोरेन् माड्हेक् मेबिरुसिग ॥ थेआड्भेल्ले आत्तिन् पाःन्निल्ले मनाहाग युक्तुसिग, खेड्हाग बा खेन् पाःन्निल्ले कुयोःक्पा मेबोःड्लो ॥

20 कर खेड्हागरे दाड्बा नु सेन्लप्दाड्बा येसु ख्रिस्तेन्कुसिड् मेनिःतुआड् इक्सादिड् खाम्बेःक्मोबा आजिःन्जिःम्बा पाःन्लाम् मेलःन् हेक्क्याड् याम्मो मेनुःड् मेबेःक्ने फाग्न खेड्हागरे लागि तगिनुःल्लेआड् कुनुप्मोग सागरिक् ताप्फेःम्बा पोःड्लो ॥

21 खेड्हागरे साम्योनिबा लाम्मिन् कुसिड् मेनिःतुआड् मेघोःसुबा सेसे इड्जाःड्डिन् मेनागरुनुःल्लेग खेन् साम्योनिबा लाम्मिन् आप्फाल्लेआड् कुसिड् मेन्निःतुन्निल्ले नुरेबारो ॥

22 खेड्हाग सिवादिड् खाहुन्निल्ले अक्खेलगरिक् पाःत्तुबा कुइसिःक्के मेजोःक्लो, “कोःत्चोःल्ले पेस्सुआड् कुबेगमाःत्तिन् आबाडे चरो,”* हेक्क्याड् “फाक्किन् वारुःम्मासाड् याम्मो खःड्वा नेःन्छिड्लो ॥”

3

* 2:22 □□□□□□□□ □□□□□□□□ □□.११

दाङ्बाल्ले कुयेन्

1 आमिःम् आन्जुम्से, खिनिः हाक्निङ्बा कन् निसिगेःक्पा सक्इङ्घङ्लो॥ कन् नेप्माङ् सक्इङ्घङ्डो निङ्वाःसुम् चोःक्निङ् पिनिङ् खिनिः निङ्वाःइन्चाङ्जाङ्वा चोःक्मा पिमा कोःतुङ्बरो॥

2 यरिक् तङ्बे तगि सेसे माङ्निङ्वाःपाःन् केबाःप्पाहारै मेबाःतुबा पाःन्हाः हेक्क्याङ् आनिः दाङ्बा नु सेन्लप्दाङ्बाल्ले खिनिः सेःक्युक्मिबाहाःलाम् केबिरिबा इङ्जाःङ्हाः निङ्वाः इःतेम्मेः केलःबा आनिङ्वाः वारो॥

3 काक्नु तगि खिनिः कन् पाःन्निन् कुसिङ्निःप्माए पोःङ्लो॥ कुनुप्मा येन्हाःओ किनाःन्दि केबिबाहाः किनाःन्दि पिनु मेदाआङ् खेङ्हारै आबाडे खुनिः ताप्फेःम्बा निङ्वाःओ मेवाः

4 हेक्क्याङ् अक्खे मेबाःतुरो, “इङ्गाः याम्मो युःआ लःरिक् माङ्हेक् चोगुआङ् वयेबा मेःम्बि? खुनेः आतो ये? आनिगे सुधेबा ताक्थेबाहाः काक् मेस्ये मेबे, हेक्क्याङ् नावागेन् चइःत् नेस्सेआङ्धो काक् पाःन्हाः बा हेक्केए नेरो॥”

5 निङ्वाःफुमाङ्डिल्ले तरःइदिङ्ताङ्साक्पेनु इक्सादिङ् खाम्बेःक्मान् पेलिगेन् कुबाःन्जाक्लाम्बा नावागेन् चइःत् नेस्सुबा पाःन्निन् खेङ्हारै निःनिःबाए निङ्वाः मेभेःत्छुरो॥ इक्सादिङ् खाम्बेःक्मान् च्वाःत्लाम् लःतुआङ् च्वाःत्तिल्लेए चोगु,

6 हेक्क्याङ् बा खेन् च्वाःत्लाम्बा उन्छेःन्स्मा इक्सादिङ् खाम्बेःक्मान् हुमेआङ् मेगेरो॥

7 कर बा खेन् पेलिगेन् पाःन्जाक्किल्ले आल्लोबा ताङ्साक्पेनु इक्सादिङ् खाम्बेःक्मान् मिलाम्बा मेङ्मा फाःआङ् ताङ्घुआङ् वारो॥ हेक्क्याङ् निङ्वाःफुमाङ्डिन् इङ्धाःङ् मेम्बिमना मनाहाः खासेन् येन्नो मेम्मेङ्सिङ्डे थारिक् ताङ्साक्पेनु इक्सादिङ् खाम्बेःक्मान् बा याःक्तेआङ् नेरो॥

8 कर आमिःम् आन्जुम्से, लच्छा पाःन्धिक् निड्वाह मेभेःत्छेम्मिन्नेःओ-दाड्बाल्ले कुलागि थिक् येन्निन् तड्बे हेन्छिड् (१०००) कुइसिःक् नु हेन्छिड् तड्बेन् थिक् येन् कुइसिःक् पोःड्लो ॥

9 कुभा मनाहाररे मेइःतुबा कुइसिःक् दाड्बाल्ले कुनुःड्मा युःमा माड्हेक्किन्केप्पा मेसुःनेन्लो, कर खुनेः नासि थःत्तुर खिनिः केहाड्घिर वाःरो ॥ खिनिः लायोलां केहिन्दिआड् आत्तिन्हाःआड्केम्मेगिन्ल केलःबा खुनेः निड्वाह चोगुरो ॥

10 कर दाड्बान् नुःड् युःबा येन्निड्ग सेन्दिक् केघुःम्बान् खुःन्छे ताबा कुइसिःक् हक्चघत् पोःड्लो ॥ यम्बा इक्लाओ तरःड्दिड्ताड्साक्पेन्माबेःक्, हेक्क्याड् खेप्पो केबप्पाहाः काक् मिदिक्काड् योःम्बेःक्, हेक्क्याड् इक्सादिड् खाम्बेःक् नु खेप्पो केवाःबा काक् पाःन्हाःआड् मिःल्ले खाप्पु थ्यःड् चोगुसिरो ॥

11 हेक्केलःरिक् काक् पाःन्हाः मेक्पाल्ले चोगुल्ले खिनिःग सेसेबा नु साम्योनिबा हिड्मन्नो वाःमा पोःड्लो ॥

12 निड्वाहःफुमाड्डिल्ले कुयेन्निन् केहाड्घुम्, हेक्क्याड् कुयेन्निन् हारा तार केलःबा निड्वाह केजोगुम्, कर खेन् येन्नो तरःड्दिड्ताड्साक्पेन्मिदिक्काड् मेक्, हेक्क्याड् खेप्पो केबप्पा काक् पाःन्हाः योःम्बेःक्लो ॥

13 कर आनिःग निड्वाहःफुमाड्डिल्ले माड्हेक् चोगुबा कुसड् इक्सादिड् खाम्बेःक्मान् नु कुसड् तरःड्दिड्ताड्साक्पेन्निड्साड् आजोगुम्माड् आहाड्घुम्ल आवाःरो ॥ खेप्पो साम्योनिबा मनाहारःक् मेवाःरो ॥

14 खेल्ले चोगुल्ले आमिःम् आन्जुम्से, कन् पाःन्हाः निड्साड् केजोगुम्माड् केहाड्घुम्बाल्ले चोगुल्ले सुत्थो नु सेसेबा हिड्मन्नो हेक्क्याड् निड्वाहःफुमाड्डिन्नु सनारुड्डो वाःमा खिनिः सुक्सुक्

निङ्वाऱ चोगेम्मेऱओ ॥

15 केरेक् मनाहाऱरे सेन्लप् मेघोःसुर फाऱआङ् दाङ्बाल्ले नासि थःत्तुबान् निङ्वाऱ इःत्तेम्मेऱओ ॥ आनिऱ मिःम् नुसाऱ पावलरेआङ् निङ्वाऱफुमाङ्लाम् खोःसुबा सिक्कुम्दिङ् निङ्वाऱलाम् कन् पाःन्हाऱ साप्तुआङ् केहाक्किताङ् वयेरो ॥

16 कन् पाःन्निल्ले कुयाःम्बेओग पावलरे बा अक्खेलऱरिक्के कुसक्इङ्घङ्हाऱओ साप्तुआङ् वये ॥ खुनेऱ साप्तुबा कुभा पाःन्हाऱ कुसिङ्निःप्मा साक्लो ॥ थेआङ् मेऱ्लेमनाबा नु हिल्लिक्लिक्पा मनाहाऱरेग खेन् पाःन्निल्ले कुबेःन् मेऱेक्खुआङ् मेवाऱरो ॥ खेङ्हाऱरे वेऱ साम्योसाप्लाओ केबप्पा पाःन्हाऱरे कुबेःन्नाङ् बा हेक्केलऱरिक्के मेऱेक्खुआङ् मेवाऱ ॥ हेक्के मेजोगुबाल्ले चोगुल्ले खेङ्हाऱरे खुनिऱ मेक्मान् आबाडे मेदारुरो ॥

17 खेऱ्ले चोगुल्ले आमिःम् आन्जुम्से, खिनिऱग कन् पाःन्हाऱ निङ्वाऱ केघोःसुम्माङ् केवयिबाल्ले चोगुल्ले सिङ्सिङ् येक्येक् लऱरेम्मेऱओ ॥ हेक्केःल्ले फेन् पाःन् केजोःक्पाहाऱरे खुनिऱ इङ्लेक्के पाःन्निल्ले खिनिऱ केमेन्भोःत्तिन्ल हेक्क्याङ् खिनिऱ केधुम्बा नसाःन्लाम् केन्जोःन्दिन्लरो ॥

18 कर आनिऱ दाङ्बा नु सेन्लप्दाङ्बा येसु खिस्तरे आबिबा नेहिनिङ्वाऱओ नु कुलुङ्गुम्मो पोःरेम्मेऱओ ॥ आल्लो नु सदादिङ् दाङ्बाल्ले कुमिमिदिङ् पोःङ्लरो! आमेन् ॥

Yesu khristarε kunisaam
New Testament in Limbu (NP:lif:Limbu)

copyright © 2009 Wycliffe Bible Translators, Inc.

Language: Limbu

Translation by: Wycliffe Bible Translators, Inc.

Limbu (Devanagari)

Annapurna SIL script necessary to read

lim

Nepal

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789937217637

The New Testament

in Limbu

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files dated 29 Jan 2022

1f7c9586-188f-5463-80d8-d2bbafebcbacf